

A Monthly Christian Magazine


AN ORGAN OF THE ZOU PRESBYTERIAN CHURCH SYNOD

Khristian Tangkou

ဃုဝကၢလတၢဝဃ တိဝဃဃုယုခၣ်

Vol. 61 || No. 6

June, 2025



Editor: Rev. Dr. Hangpi Manlun

Synod Kumpuon

Khrist Jesu a um Lungsim

[Phil. 2:5]

Khristian Tangkou

Vol. No. 61 || Issue No. 6 || June, 2025

Editorial Board

Editor : Rev. Dr. Hangpi Manlun - 9862910875
Joint Editor : Rev. Zamlianpau - 7629978067
Cir. Manager : Upa Jamsianmung - 9862086615
Bus. Manager : Nu Niangkhanmang - 9863934719
Nh. Suanneiching - 8787790520
Nh. T. Naomi Goulianching - 8413854088
S. Joel Lianmang Zou - 8729906706

Cont. Editors : Rev. Awnkhankhup - 9383114081
Rev. Khupsianlal - 8974749874
Rev. Lamsuanthang - 7005723755
Upa Khaiminlian - 9612479417
Upa Khupsuankham - 9863193371
Dr. S. Thangboi Zou - 9862754101
Upa Thangzasuan

ZOU SYNOD ULIENTE

- **Moderator:**
Rev. Kaimuanlal
- **Moderator Elect:**
Rev. Khamminlian
- **Secretary (Sr):**
Upa Kapkhanhau
- **Secretary (Jr):**
Upa Khaiminlian
- **Treasurer:**
Upa Thangchinpau
- **Statistician:**
Upa Dongzapau
- **Executive Secretaries:**
Rev. Dr. Hangpi Manlun
Rev. Zamlianpau

Copies - 1200

AMAN

Kumkhat ah	- Rs.	100
Post ah	- Rs.	200
Copy khat ah	- Rs.	10
Life Member Fee	- Rs.	1,000
Patron Member Fee	- Rs.	2,000
Memorial gift	- Rs.	2,000

A sung thu

- Editorial..... 01
- Thu tuomtuom & Thumpi ding 02
- Hattuum mite um ding dan 03
- Nu leh Pate thuman 07
- Pasian Hattuum ama sisan a 09
- Mangpa hing pei kiana thu 10
- Khrist Thawkiani..... 18
- Suunna..... 19
- Khawchin Sawmakhat sun dan 20
- ZPWF Column 22
- ZPYF Column..... 24

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



INNSUNG MAITAM

(Gen. 12:7; 35:18):

Khristian innkuon maitam poimawna i gen diing uhi. Thuhunlui a ginna a mimasate Abraham, Jakob, Joshua leh adang dangte'n zong ana ngaikhaw uhi. I Bible in zong "Maitam" thu a hagen mama a, i mu masahpen uh ahileh, Noah in a innkuonpite a diing in maitam abawl thu i mu uhi (Gen. 8:20). Abraham in zong a innkuonpite a diing a maitam a siem thu i mu uhi (Gen. 12:8). Jacob in zong a innkuonpite kung ah "Thou unlen Bethel ah i pei diing uh; tuanah ka mangbat lai a hing dawng, ka kung a umzing Pasian a diing in maitam i bawl diing uhi" achi hi (Gen. 35:8). Job in zong atate a diing in maitam abawl thu i mu uhi (Job. 1:5). Joshua in zong, "Kei leh ka innkuonpite'n Mangpa nna bou ka sem diing uhi" achi hi (Joshua 24:14). Tualeh, Bible in "Na innkuon maitam uh khu amit diing ahisih" achi hi (Lev. 6:13; Joshua 24:15). Tamte a kipat in innsung maitam poimawnate i mu uhi.

Communist gam a Kenchickte innkuon in nichin innkuon maitam abawl leng uhi. Communist Sepaite'n ahuo ua, abawl kia uleh teng singkhat lieusah diing in leh suongkul a khum diing chi in a galgih uhi. Ahin ama uh atawp nuomsih ua, tuachiina akikhop uh ang mu kia ua, teng singkhat a lieusah ua, suongkul ah zong a khumta uhi. Tawpsan diing in a gingta ua, koi tawp leh malah suongkul apat ang pawt nua un abawl veve uhi. Kenchick in , "Innkuon a Pasian biehkhawm khu a loup mama hi! Communiste ngel in zong a manphat daan a thei ua, khatvei innkuon kikhop khu teng singkhat man hi in a thei ua, tu ni a kipat in nichin in nivei ka kikhawm zing tadiing uhi" achita hi. Simeon Strunsky in zong, "Ka innsung uh manphat laitah hing kidong leh ka tate toh aan ne diing a annehna dawkan khu Pasian pawlna maitam ka tansah laitah uh ahi" chiin ka dawng diing achi hi.

I gensa bang un innsung maitam khu tahsa leh hagau a kipuihuoina umsun ahijeih in a loupi mama hi. Tam khu Pasian toh kipawlina leh a guoljawlina i tan theina uh umsun ahi. Nichin Bible sim a thumkhawm zing thei innkuonte khu Setan in zong asol ngamsih a, atate un zong Jesu amulaw thei uhi. Laphuotu khat in, “Innsung maitam a kipat in Van gam zong a kigalmu thei” achi hi Mangpa’n a sim zousie hinpi thei a, ga suopi thei chiet diing in hing guoljawl taken.

.....

Thy tuomtuom leh Thumpi dingte



1. Pasian lungsietna leh mapuina toh June 2025 ha i tung kiata ua, Khristian te a ding a Kut poimaw mama Pentecost Sunday manpha tah a zang zou in i hina uah Pasian kung ah lungdam thu tut va ui.
2. Tribal zousie kipumkhat a, tup kibang a, a tawp tanpha tuibang i luonkhawm ua Saperate Administration i mu theina ding un theitawp suo in thum va ui.
3. Meitei apat tuomkhen a i umna uh theizingna in i zangta ua, i gam buoina toh kisai a Lamkai tuomtuomten kituoh tah a vai a hawmkhawm theina dingun thumpi chiet va ui.
4. India gam sung mun tuomtuom a Khristian te soisahna gen ding um zel ahina ah, Pasian venbitna zal a i Pasian uh i bieh ding dan tah ua i bieh thei ua, Manggam i kehlet theina dingun thum zom zel va ui.
5. I gamsung a buoinate a hing ven a, hindan ngaina i zah thei kiana dingun bangkim bawltu Pasian kung ah chitahtah in thum chiet vai.
6. Pasian mapuina toh North Tripura a Mission Field ah School leh Quarter lamna nasep zaw ahita a, tua toh kituoh in ei Synod apat Mission & Evangelism Committee saina in Moderator leh

Executive Secretary lamkaina in a honna nei ahita hi. Pasion Manggam nasepna lawching tah a i nei thei ua, gasuo kilawm tah i mu theina ding un thumna ah delzui va ui.

7. Tu kum 2025 Synod kumpuon ding **“Khrist Jesu a um lungsim”** (Philippi 2:5) chi ahi dungzui in i lungsim khu Khrist Jesu a um sah in ama kipuisah sawm chiet ding in simtute zousie Pasion min in i kichiel uhi.
8. **Zou Christian Musical Committee** in theitawp suo a sawttah ana buoipi uh **Zou Khristian Labu** (Labupi leh Latha Bu kithuo) Synod Khawmpi 21veina in a phasah bang in Swapna Printing Works ah Copies 5000 sut zou ahia, tua ahi toh kituoh in Synod Office Bearers Meeting phasahna bang in ZCMC ah tut tou ahi. ZCMC Committee ah May 30, 2025 in Rev. Thangliankham, ZCMC Chairman in Pasion kung a latna nei in hawmkhiet ahita hi. Copies 5000 khu hawmguol ahia, ei Zou Synod in Copies 2000, MELC in Copies 2000 leh ZCBC in Copies 1000 chia hawm ahi. Tam Labu khu tu in Synod Office ah Bu khat ah Rs. 300 a lei thei zing ahi. Tam tan hing puitu Pasion kung ah lungdam thu gen in a tam thei bang lei ding in i kingen uhi.



HATTUOM MITE UMDING DAN LEH KITHUNUNNA DAAN

Thumapui

Tami thute khu ei Presbyterian hattuumte a ding a i Constitution ban ua i kipui huoina ding ua i na nei uh ahi. Nidanglaiin a bu in inei ua, tuin ahileh Khuttawi bu a i tuonsah tah ziehun ei Hattuum mimal chin ten kithei phalou leh kimu phalou ahitahziehin mipi simthei leh thei ding in i suo uhi. Tam thute khu tahsa leh hagau lam a kipui huoina ding ua kul leh poimaw ahiziehin koipou in sim in thei sawm chiet vaui.

I). HATTUOM MI HINA

Tam thu zong i Khuttawi bu ua pat lasawn ahi. Mi koipou in hattuum a lut ding a ang kinget leh pilvangtah aetchien masah ding ahi a, tuabang etchetna ding in tam anuoia kitahlang thute toh ama mihina kituoh ngeina chia theichet ahisihleh gintat ngam mite bou lahlut ahi gaip ding ahi.

1. Hagau Siengthou nnasepna jieh a mikhiel ahikithei chetna nei mi, a khelna pawna a, lungkham a hundamna sui mi ahi ngeingei ding ahi (Nasepte 2:31,38;16:30).
2. Khrist kung bou a hundamna sui a, hundampa loupai leh palai hoi bukim a pom mi ahi ding ahi. (Johan 16:8,9; Phil.3:7-9).
3. Khrist leh A dihtatna kiphmaw a gil u'kiel a dangtah mi ahiding ahi (Mat.5:6; Heb. 10:25; Rom. 10:17).
4. Khristian thugin poimawte toh kikal ngaidaan zousie pomlou a; tam, Pa, Tapa leh Hagau Siengthou thu leh thugin poimaw dangte kitheimaw bawllou a, pomdet tinten mi a hiding ahi (Jakob 1:6-8).
5. Hattuum khu Khrist hattuum, Khrist phukhiet KhantanHoi "Thutah khuom leh ban; kingahna" ahi ngeina hichi pomdet mi ahiding ahi (I Timothi 3: 15).

II). SAKHOLAM A KHRISTIAN HINKHUO

1. Pasian biekh khu Khristiante bawlding a sil pawimaw pen leh masapen ahia, a nelsie ding ahisia, a ngai poimaw zingding ahi (Johan 4:33; Kihilna.2:2; Mark 12:29-33).
2. Ama leh anuoi a mite'n Pasian Ni khu a tan/nit ding uh ahi. Leitung nna sepmasah theite ahisihleh ni dang chienga septhei – van lei leh zuate, thu poimaw dang gen chite bawllou ding ahi. Kitawldamna ahi chia mawh imutnaa zong zang mailou a, tualeh ama dei leh phattuomna ding a hun kizeen a mangmai lou in Pasian biekhna, A thu ngaikhietna leh ama hagau a ding a sil phatuomte bawlinaa aman zawh ding ahi (Pawtdohna. 20:8-11; Isai 58:13-14).
3. Pasian thu toh kituoh lou Khristian lungsim suse thei miel nnasep utnate, chiemmui giloute, laamte, liim-utna kichienloute khu taisan ding ahi (I kor.6:17; Rom 112:2; Eph.5:11).
4. Kingaina thaanghuoi leh huona lam sil suol bangma abawl lou ding ahia, gitlouna bang a kilang leh gitlouna lama hing kailut thei silte zousie a kihep mangsan ding ahi (I Kor. 6:9; Eph. 5:3).
5. Kithoina – siempu tungton aphuisan chite mawngmawng a bawlding a hisih hi. Siempuna toh kisai – aisaante, dawi biekhna silte leh khutlam-et chite bawltapou khu Leitung dawithutawi/siempu zang a sil bawl toh kibang ahijieh in bawl mawngmawng lou ding ahi. Sil bangkim a Pasian a gintat zawh ding ahi (Lev.19:31; Deut. 18:10-11; Pawt. 20:3; Luk 4:8).
6. Pasian thubuin ang hildaang bangtah a i lungsim a Pasiani gintatna lamang

thei zousie – Milim biehnate, leitung/gingloute ni-le-ha nitte, nipikaal khat sung a ni hoituom nei chite a pom ding ahisih hi. Tam bang zousie sep khawm nianua in Pasian tahtah leh leitung Pasian bekhawm china ahi (Luk 4:8).

III). MIMAL A KHRISTIAN HINDAAN:

1. Mihing suse thei leh Pasian gam nnasepna a chitlou lawtheina ne-le-dawn thu ah kideh thei ding ahi (Luk.21:33; I Kor. 6:10).
2. Mizousie eima toh kituoh a siengthou tah a kivon ding ahi. Kiletsahna, kiphatsahna leh gilou lam a hing kailut thei kivonnate khu kihep mangsan ding ahi. Kivonna khuThuhun Tha in Khristian hindaan dingte lah a poimaw ahidaan chientah in a gen hi (I Tim. 2:10; I Pet. 3:3-4).
3. Mizousie ama nasepna chiet a a ginum ding uh ahi. Septheina leh hun khu a kilepsan mai ding uh ahi sih hi. Tuabang mi khu Pasian in a mawsiet daan i theizing ding uh ahi (Mathiu 25: 26).

IV). KHRISTIAN INNKUON HINDAAN

1. Inkuon sungthu khuoltup in a tate uh Mangpa theina leh zatatna lam ah a kailut ding uh ahi. Innkuon kikhop a bawltthei dandan ua a bawl ding uh ahi. Tua ahisihleh a tate uh Mangpa lam a kailutna hun

manphaa nei sih ding uhi (I Tim. 3:4; Eph. 6:4).

2. Mihingte kichi matna/ki-unauna lam zousie ah Pasian Laisiengthou/thubu in a gente khu kituptah a azui ding ahi. Tuate: zi-le-pasal tungtaangte:- Nu-le-pa leh a tate uh tungtaangte, lamkai leh anuoi a nnasem a kithalawte (Eph. 5:22; 6:2).
3. Ginglou mi a kinunpi ding ahisih a, Khristian thugin nielkal leh gindaan dang pom mite a kinunpi ding uh ahi sih hi. Kiteeng masang leh kiteen nua in leitung daan hoilou azui ding uh ahisih hi. Kiteengta pou in a hagau uh hoinading a ngaisut ding uh ahi (I Kor.6:14).
4. Hattuom mite khu hattuum daanlou a a kiteen ding uh ahisiha, tuabang a kiteengte khu kipahpi ding ahisih, sil kilawmlou ahi hi. (II Kor. 6:14-15).

V). HATTUOM KIVAIPUOHNA LAMAKHRISTIAN HINKHUO

1. Koi in zong a unau sil bawl khel a mutah leh Khrist hingzilsah dung zui in siemphat sawm leh ahoi hi. Siemphat theivawtlou a hileh thunnun ding ahi (Mathiu 18:15-17).
2. Khristiante lah a kihenna ang umtah leh hattuum in huptuom paituom neilou in pilvangtah in thudohna a nei ding hi. Thutanna a siem masang un tua thubuoi theipite thusun kituptah in ngaisutta

hen. Hattuum thununna thuoh ding ahitah leh lungsietna nei in thununta uhen (Deu. 19:15-18; Gal. 6:1).

3. Thunun ngai khop a sil bawl khielte khu a kisia nading uleh hattuum daante kepbritna a thunun ding ahia, a kisia chieng ua lahlutkia ding ahi. Lahlutkia ahimasang un hattuum ah panna/sepna piehlou ding ahi. A kisia leh kisialou etna ding in haguh sung hun-et ahi ding hi (I kor.5:1-5).
4. Hattuum a kituohlouna leh kisel kibuoina ang umtah leh hattuum in a ngaituo ding a, ahitheh leh thutanna a siemding hi. A thubuoi a khentan thei sih uleh hattuum thuneina saangzaw ah tutta uhen (Exod. 18:21-26).
5. Hattuum bieh kikhopte khu a hoi leh kizen thei peen a bawlding ahi. Lai-siengthou sim masah a thumna leh la sahnate bawl ding ahi. Tuazou chieng in kithuhilna, kihantawhna, kihamuonna leh Pasian thu thei kiphamawte gen ding ahi. Kikhop sung khu asawt seng a hilou ding a phatuom ngei ding a lungeelna toh bawl a hiding ahi.
6. Tuabang kikhopnate khu hattuum in a teel khawmpi in a namdet mite bou in a lamkai/pui ding ahi.
7. Hattuum Upa ding in hattuum thugin pomdet leh Pasian ngaisah mi bou teel giep ding ahi. Tam Khantan Hoi bulite, Thununna daan, Sakramen thu leh Hattuum

thuginte kichientah a thei mi ahi ngeingei ding ahi.

VI). KHRISTIAN KHOTAANG HINKHUO

1. Mite'n ama tung ah bawl leh a dei leh hoi a sahte khu mi tung a bawl a sawm tinten ding ahi (Mathiu 7:12; Luk.10:33-37).
2. Mihing leh pawlpi a ding a hoi leh panpina nnasep khawmnate ah ama bawl theidaan a zil a kisiit vawtlou a pang a, tuohkhawm pe mi ahi ngeingei ding ahi. "Mi zousie tung a sil hoi a bawl ding ahia, gingtute kung/tung ah a dieh in a bawl ding hi. (Eph.2:10).
3. Ngaisutnate, teenate (etchetnate) leh chiemtenate khu kituptah a bawl ding ahi (Lev. 19:35; Kihil. 20:10).
4. Guhsilte, lepguhte, huoiham jieh a mi bawl genthei leh sum-le-pai a apmai chite chiinlou ding ahi (Eph. 4:28; 5:5).
5. Bat-le-sankia thu ah mi ginum a hi ding ahi. A huntah a dihtah a sankia sawmlou mi khun bangma palah ding ahisih, kisolna ahijieh in (Sam. 37:21).
6. Summeet bawl mi khu sum zah leh zeehna lam a pilvangtah ahiding ahi. Pilvangloutah a sum zahmang zing a, duhdahloutah a mi sum bat zing khu sil hoilou leh gitlouna ahi (Luk. 16:2).
7. Leibat sang zoulou khop a chimaw/ hamsate tung a zangaitheitah a

thuohzou mi ahiding ahi (Mathiu 18:23-25).

8. Thuchiem leh thuhun poimawte khu a palsat ding ahisiha, ahithe daandaan a tangtun mi a hiding hi. Pasian min a kithuchiem khu Pasian in a theipi ahia, kitheimaw bawl a palsan ding ahisih hi (Rom 1:31; Sam 15:7; Exod. 20:7).

9. Van lei leh zua thu ah ginumtah a hi ding hi. Van lei ding khu gensiet seng mawh ding hilou a, tuama bang in a zua dingte zong gen tui/genzol mawh ding hikialou hi. Theisihna chia sol mai ding ahisia, aman dihtat leh bazar a aman a thei daandaan ua gen a leisah ding ahi. (Lev. 26:14-17; Thupilte 20:24; Deut. 2:6-7).

10. A aw suo uh a sienthou ding ahia, dih leh kilawm hun giep in thu a gen zaw ding ahi. Awse suo, hansie, Pasian min amawhna a law chite, haam kilawmlou leh zummaw haam, mi gensiet leh huotgen chite chiin mawngmawng lou ding ahi (Ephn. 5:3-4; Mat. 12:37).

11. Pawngpan a mi niel ding ahisia, kiminsiel, kisas leh thu nawngkai gen chiin ding ahisih hi.

12. Mi zousie toh kituotah a hin khawm a sawm tinten ding a hi, a innvenge leh Mangpa a a unaute huotbawl, muda leh suhsiet tum gige mi khu Pasian gam mi hitah ahisih hi (Rom 12:18; I Kor. 6:9).

NU LEH PATE THUMAN LAWCHINNA AHI

By:- Upa Khupsuankham

LDCC Hiangzou

EPHESA 6:1-2 leh Kolosa 3:20-na i sim leh Ephesa leh Kolosa Hattuom a E^{naupang} (KNP)- te kung ah Paul in Nu leh Pate thuman khu sil dih ahia, zatatna ahia, hoina leh damsawtna ahia, tuakhu nabawl lawmmawng u'leh Mangpa kipahna ahizieh in nu leh pate thu na man ding uh chi'n thu a mop hi.

Sildih: Nu leh pate thuman khu sildih ahia, sildih a patsa kithumanna hing kipan ahia, tua khu Mangpa a kipan ahi.

Zatatna: Nu leh pa hing thuhilna te khu zatat ding, thupieh chiemnei masapen ahia, Pasian thu sawm pieh lah a, a nga ahia, zatat in chi in lungsim tahtah a nu leh pate thuman ding china ahi.

Hoina: Nu leh pate thuman khu “Hoina” ahi bangte a hoi e, ichi leh Nu leh Pate lungsim tanna ahia, ikalsuonna bangkim ah ang hoi ding a, lungsim anuom ding a, tuakhu lawchinna ahi.

Damsawtna: Na nu leh pate zatat in, Mangpa na Pasian in ang pieh ding gam a na damsung nite a sawt theina dingin, chi ahia, Thuhuntha hun a khawvel

pumpi huop in “Leitung” ang chi ta a, tua khu Pasian guoljawlna ahi. Nu leh pate thumanglou te hinkhuo khu “Kipah thei lou in, lungsim sietna ni a zui ngal a” hinanleh thumang a zatat a, pahtawi a, athu zop khu tahsa a damsawtna ahia, tam sang a hoizaw guoljawlna aum sih hi.

Tualeh, Luk 5:1-10 na sung i-et leh Jesu’n Simon kungah nalen te uh a lithuh ah sep un achia, Simon in Mangpa asun azan in kasep uhi’n bangma kaman dan sih uh, ahivang in nathu in kasep ding chia ase leh ngasa tampi aman chi imu ua, tuakhu thuman lawchinna ahi. Khanglai ten, nu leh paten ang dampi sung ua, Pasian thei tup ding, pilna, simna leh minthanna nei hun ahi. USA a Khanglai ten kum 18 a chinphot uleh anu leh apa neisa kitanpi ut nawn louin amau leh amau akitousdel hi. Khanglai hisung a tup leh ngim kichientah nei ding, ipu uh Abraham Lyncoln in anu sinsahna bangbang a zui zieh in 1960-kum in America President in apang a, Negro saltangte zalenna tuntun in zong apang hi. “Anu in dahkal 2 lai nasim leh dakkal 2 Pasian toh kihouna a na nei ding chia a thuhil khu a zui tinten hi.

I pu uh Lal Bhadur Shastri, a khuolzint khat in Tembaw tung a, atuon in Bahara a don uleh sum ka neisih hi’n India Prime Minister a ka pan chiengin kang pe na ding achia, a gen dungzui in 1964 in India Prime Minister in a pang hi. Tammi in tup leh ngim kichien nei ‘lawchinna’ ichi nuom zieh uh ahi. “Micheal-de-Montagine in Khanglai kitup leh ngim

tah neiloute panpi thei ahi sih” achi hi. Tuamabang in nu leh paten zong itup tahtah sih a, a thu uh iman sih uleh ang panpi ding uh thasiet huoi asa uhi.

Khanglai hisung khu bangkim bawl hun ahia, khanglai hisung a nasep lawchingte ni leh thum en vai:

-Demosthness khu kum 25 ahi in Ashsi lam theina anei ta hi. - Goliheo Mezzetin kum 10 ahi in ham 115 a thei ta hi.- Pascal kum 16 ahi in a pa sum tuotna (Calculation Machine) bangbang abawldoh tahi.

Nu leh Pate khu innsunga ding a alien pen ahi ua, pa khu alien pen ahi a pa ichi chiengin nu zong atel a, nu ichi chiengin pa toh zong a genkhawm hi. I Bible in “Nou pate aw, na tate uh sulungthah sih unlen, dih hou sih un hing lungke kha va uh, Mangpa thuhilna ah entup zaw un” achi hi. Ki thumanlouna in innkuon sung kizopna asusie a sulungthah sih un, chi in sildih lou zong a suhlungthana lam akawh hi.

Pasian thu banga tate enkol a thumang ding a kaihuoi khu nu leh pate mopuoh ahia, Khristian “Ki thuzilsahna zong ahia, tua khu ‘hundamna ahi’ (Eph. 6:1) ah, thumang un chi sapham a Bible King James Version ah ‘Obey’ chi ahia, Greek ham in ‘Hupakouo’ chi ahia, a umdan khu “Lunglut ah a thungaikhie” china ahi. Nu leh pate thumang a Khanglai hisung a ahina ding dinmun a ding leh nu leh paten tate Mangpa akuon a thumang ding a kaihuoi khu Pasian khu kizilsahna leh hundamna ahi. Mangpa’n simtu te guoljawl taken.

PASIAN HATTUOM A MA SIAN A ALEISA

By:- Upa Thangzasuan
Vaal Veng

Tuaziehin noute pilvang unlen Belam honte zousie ching un Pasian Hattuum Ama sisan a aleisate vah dingin Hagau siengthou in amaute lah ah Belampu khi dingin noute ahing guot ahi. Sawltah Paul in achi hi. Ei Presbytery te kizilsahna dan ah Presbyter Upate thu neina iki chi uhi. Tuapen pawl khat in mitto sielkhau tuh in atu ua, founder member ka hi achi ngel uleh Hattuum pen ama uh lal gam asuoh sah thei mawh uhi. Tuapen iki zilsahna uh dihrou zieh guoh hilou in Pasian ithei siem lou zieh uleh Bible isim tamlou zieh uh ahi, apoi mama mai hi. Tambang zel a ipei toutou uleh vang Hagau in hing nuasie ding ahi, pilvang va ui aw!

Hattuum pen Pasian Hattuum ahia, hundam tang dinga a Hattuumte chi na ahia, mihingte hat thei ahi sih hi. Hattuum phukhiet ding pen Pasian kuomtawn siltup ahia, a Tapa i Mangpa Jesu Khrist ah asem kheta hi. Ephe. 3:11 Hattuum neipa Pasian ahia, Hattuum lutang Khrist ahia, Hagau in atenpi den ahi, eite pen apumpi a kahiangte ihi chiet uhi. (I Kor. 11:3). Tuaban ah, Hattuumte pen Pasian Belam nou te zong ihi uhi. Tuate kem ding leh vah dingin Pasian in pawlkhate Upa dingin ahing bawl ahia, a neipa ahithe i ngaingai sih ding hi.

I Mangpa Jesun tami suongpi tung a ka hattuum ka lam ding a, mishi khuo kulkot khahten a zou thaw sih ding uhi, Van gam chabi ka hing pe dinga leitung a na kan pouma Van a zong kan ahi ding hi, tualeh leitung a na phel pouma zong van a zong phel ahi ding hi achi hi. (Mathiu 1:18).

Hattuum khu Van Pasian a ahia, Van thaneina power pieh ahina lai hi, tuaziehin Pasian thumang ihi leh Hattuum maipha isui ding uh ahi. Hattuum maipha mulou ten vang hundamna zong tang theilou ding ahi. Thamlou in Upate leh Pastorte zong khu, Hattuum lemsahna lou in ki-orden theilou ahi, tualeh orden sate ngel zong khu Hattuum in aphattuompi sih a, adei non sih leh lipdoh kia ding tawpsah ding ahimai hi. Tuazieh a Hattuumte hoi tah a kep ding ahi. I Mangpa Pasian in kei hing gingtate lah a neupen khat nangawn zong khu kupalpuo sah a um leh angawng ah buhehna suong ki aw sah henlen, tuipi sung ah kipailut leh Ama a dingin ahoi zaw ding hi achi hi, Mathiu 18:6. Tuaban ah, atate uh zong nidang lai bangin a um ding ua, kama sang a akikhop nate uh zong suhdet ahi tahding hi, ama uh sugentheite khu ka got ding hi achibe nalai hi (Jeremia 30:20).

Hattuum khu Pasian khopi ahi a, a suongphum khu muolsiengthou a um ahi, Mangpan Zion kulkhahte khu Jacob umna zousie sang angaina zaw hi, Aw Pasian khopi natung tang thu thupi tahte agen uhi Late 87:1- Upa pawl khat leh Hausa khenkhat in ka Hattuum kakhuo keima thuthu ahi achi ua, a ut na teng uah a lutpi ua, asung ah Mangpa phat nan ken zailaa sa vang katha leh aw nei sun in achi zieu zuou uhi. Hinanleh I Mangpan kei na Pasian ukhu thangsietah Pasian ka hiziehin keima hing mudate khelna khangthum, khangli tan a pate gitlouna atate uh tung a phula zel pa ka hi achi giep mai hi (Potdohna 20:5).

Pasian Hattuum a sisan a aleisa khu khovel kipawlkhawmna Association khat bang lel hilou ahi, Pasian tenna khopi ahia, gentei liengvai te hitui, naptui toh Pasian a

biehna ahi, azawng, ahau chi umlou a Pasian ki phatkhawmna Biehinn ahi.

Israel ten Jordan lui a kan ding kuon un, puipa Joshuo in Levite leh Siemputen Thuhun bom zawng un achi hi, tuapen agieh zieh ahi sih a, zawng na leh zong mikhat puoh ding phal ahilou zieh ahi. Tuamabang in Hattuum vai zong khu aw LCC ten apuohkhawm ngeingei ding ahi. Pil nan leh zong mikhat thu a Hattuum apeilou ding china ahi. Joshia 3:3. Tualeh phattuum ngaiman a mikhat va kitahla lou ding ahi, LCC te chi dandan a pei mai ding ahi. UZZA in phattuum ngai tah a Pasian bom kipo ding ana mat leh amun mama ah Pasian in ashi sah mai hi, (I Khangthu 13:9). Tuaziehin a Sawltah Paul in pilvang un, pilvang un ahing chi chi ahi khu aw, Mangpa'n athute guoljawl taken, Amen.

MANGPA HING PEI KIA NA THU

By:- Upa T. Mangnou, Tuining

Simtute zousie: I Mangpa Jesu minin itna chibai kang buh uhi.

Mangpa hing pei kiana thu chi kammal pen 'Second Coming' ahi a, 'Rapture hun' nua thu genna ahi dan gel kawmin sim chiet va ui. I hun peidan uh etin lungsima dimlet, 'Mangpa hing pei kiana thu' khu Daniel leh Johan hun laia Pasian zawlnei-te leh i Mangpa ngeiin ana genkhol taahsa tu hunah eite'n agim iza ta ua, tuaziehin damsung khosah leh thu dang tuomtuom, buoipi ding tam tah kawm kaalah Khristian zousie thei leh lungkhampi chiet dinga deihuoi thu ahi ziehin theina tawm tah leh, ching lou pumin tam articles kang pie hi.

Bible Sim ding: 1 Korinth.15:51-58; Mat.24:1ff: "Laimai thu ahi ziehin A text na Bible-ah na sim mai in." I hun umdan uh bangin 'Mangpa hing pei kiana thu' Zawlnei Daniel leh Kihilna bu khu I zawlnei lien pen uh ahi a, aki kituohun, azawh khawm chet uhi. Thuhun Tha Mathiu 24&25-ah I Mangpa

ngein hun nukhia ding thu kim tah leh kibanzop taha ei sinsahna thu leh, ang pei kia na ding thu agenna kizom hoi tahin akigiel hi. Tuate khu tu a ihun uh zilin ngaituo huoi tah ahi. I thei chiet bangun Daniel-te hun laiin Babulon Leeng Nebukadnezzar-in zana amang mat chizat huoi tah khu zingmawnga mangngil siengin athei nawn sih a, agam sunga agintat group dangdang li-te adoh leh athei lou bepun Pasianin Daniel ahil a, Daniel-in ahilchien pieh hi chi ithei chiet ua, tua khu ama ute hun apata Leitung tawp tana sil um dingte Pasian ngein ana puonkhiehna thu ahi hi.

Daniel 2:1ff-ah Leengpa'n mang anei khu milim thupi tah, a lu khu Sana siengtah, a awm leh abaan-te dangka, agil leh apheipi-te Sumeng, akeng-te khu Sia, a kephangte khu Sia leh tungman kihal ahi. Khuchia a-et zing laiin akeng khu koima se louin, muol tung apatin suongtum lienpi khatin ang deng leh keehzaahin akeng milim khu Bu si hui-in a atawmang bangin aleng mang sieng a, ang deng suongpi khu hing khanglienin leitung pumpi dimin aluo ta hi chi imu hi. Tam khu i dah (watch), Bible thugenlawh lien tham tah, poimaw dieh khu ahi a, tua zanmang bang tahin BC.605 apata 539=kum 66 sung Nebukadnezzar-in leitung a-op a, leilung ning khat apata ning khat tan langsuoh khopin tam lalna khu a thupi ma ma hi. Amavang, azanmang bang tahin a awm leh abaan-te dangka khu Medo Persia ahi a, khum Medo Persia-in BC.539-in Babulon kumpi hing zouin, BC.331

tan, kum 208 sung Leitung a-op kia a, tua banga Medo Persia-in leitung a-op laiin, apheipi leh apum Sum-eng, Grik kumpi hing lien penin BC.331 apat BC.146, kum 185 sung Grik-in leitung ang op kia hi.

Tua Mang bangin leitung pei tou zel in, a Keng sia amu khu Rom kumpi ahi a, BC.146 apata AD.476 kum 622 sung Rom-in Leitung a-op kia ta hi. I theichiet bangin Rom kumpi khu Khristian bawlsie leh sahang thupi tah ahi a, Khristian asuhgenthei seng ziehin AD.476-in Rom kumpi thupi tah khu Pasian khut thuohin akeehsie a, kum sawt tah nua, kum 1946 vel-in gam 10-a kikhen-te hing kizomkhawm kia in 'European ten common market' achi ua, hing khang tou zelin kum 2000-in 'European Union' ang suoh a, a sumtang (coin) tung uah siatawn guh leh aning a Aasi guh tuoh tuoh um 666-sign chet ang um a, tua khu kephang Sia leh tungman kihal gam khu ahi a, tua ngel khu tu hunah itung ta ua, Keng kumpi, tu a European Union khu hat tahin apei a, tuami-te hun tah khu koima se hilou, muol tunga suongin ang se hun ding khu ahi a, khum milim ang khang zel a leitung aluodim hi chi ahi a, tua khu tu hun abang ta ma ma hi. Tua European Union khu a thupi mama a, asum uzong Dollar Sangin amanpha zaw a, Bible-in ana genlawh teng tengah Sana Kumpi te, Dangka Kumpi-te, Sum eng Kumpi te leh Sia Kumpi te khu atung kim ta a, agen bang chetin atung kim zel hi. Akephang, Leng gam 10 kizom khawm, tu a European Union khu gam

29-vel na hita khu ahi a, tua huntah khu koima se hilou, muoltung apata suongin milim ang seguoi hun tah khu ahi a, ani leh dahkal thuah ibuoi angai sih hi. Pasianin koima'n athei sih achisa mawng ahi a, amavang, hun peidan etin lamdang tahin sil atungkim hi chi vang ithei thei hi.

Daniel laibu ma 7:2-a Nebukadnezzar mang hilchientu Daniel ngeiin kilahna amu a, Luipi pieua umin “Ning li akipat in khopi huiin Tuisuogiet amutliing laia Tuipi apata ganhing gimnei tah li ang pawtdoh thu agente lahah:

Ganhing khatna khu Humpinelkai ahi a, Mupi Ha anei a, ka etzing laiin, aha (wing) bawkhieh pieh ahi a, keng ni neia dinga mihing lungsim apuoh tanin ka-en zing achi khu Rom kumpi thupi tah ang siet nuain England khu kumpi thupi tah ang hi kia a, tuate'n agam chiemtena (sign)-in Humpinelkai lim azang ua, Enland-in Khristian abawlsiet natsat laitahin America gam Colomba khu amukhie ua, tuachi'n Khristiante'n America khu kikhuolna munpi in azang ua, hichi hunin America khu gam naupang tah ahi nalai a, kum 239-vel giap ahi a, gam khanglien tah hing hitou bepin, galkap chiemtena (sign)-in Mupi lim ang bawl uhi. Tua Daniel manga Humpinelkai ha (wing) kibotkhie khu America ang suoh a, tua khu thahat tah ang hi a, tu hun nukhia hunah Leitung lamkai gam ang suoh ta hi.

Ganhing Ni-na khu Vomp i ahi a, U i tou banga touin Naahgu thum apet a,

Sa tampi ne in chia agen uh ka mu a, tam kammal isui zel leh, khum huna gam chiemtena dinga Vomp i zang khu Russia ahi a, mihat leh mi lienpi pi leh leitunga gam lien pen ahi a, Naahgu thum apet achi a, aumzie vang gen dan tam tah aum a, Lenggam thum, gam khata hing kisiem-te ahi chi zong aum a, hinanleh, Russia-in Khristian gam ahuot ma ma thum, America, England leh Israel-te ahi a, Daniel hun laia um kha nailou gamte ahi uhi. Sa tampi ne in chi umzie Ethnic bioweapon kichi, Genetic galvan, khum hun laia um kha nailou galvan neite ahi uhi.

Ganhing thum-na khu Kamkei ahi a, anua lamah Ha (wing) li leh lu (head) li anei achi a, Kamkei Sap-ham-a ‘snow leopard’ achi uh, eite'n Gielbem ichi nam, eng lihleha pawl phimphe m nam khu China-in gam chiemtena (sign)-in azang a, Lutang li achi khu China suon dihtah, vun rong kibang gam li aum a, tuate khu China, Thailand, Taiwan leh Korea ahi ua, tam mite khu akidou ngai sih ua, chi khat, nam khat ahi chiet uhi. A eljanga Ha (wing) li anei achi kia a, tua khu China apata dingkhie gam li, Japan, Burma, Indonesia leh Vietnam-te ahi kia hi. Tua Kamkei khu Zou Bible-in vaihawm, thuneina apie chi ahia, tua dungzuiin tu in Asia gam-ah vaihawmtu ang hi ta ngei uhi. Tua asil mu bang zelin Leitung ape i zel a, Ganhing li-na khu Lutang sag i leh Ki (horn) sawm anei a, aha (teeth) khu Sia ahi a, akhut toh ane muat muat a, anehmawh teng khu atuonchil hi chi ahi. Tam Gamsa Lutang sag i leh Ki sawm nei khu koi ahi diei? Ginlel

huoilou tahn ginglou pang khawmte ahi mai ua, Lutang sagi in khomuolpi sagi a ginglou mite a-ensah thei hi. Ki sawm-in ginglou gam pang khawm gam sawm-te zong a-ensah thei a, tuate hi ding banga ngai ahi. European Union-ah vang agamin gam 28-pang nanleh, thunei bih gam sagi aum uhi. Tuami'n Arab gam, middle east-a Arab gam chimalei, thautui hau gam sawm-te toh akizop uhi.

Tuaziehin ihun pei dan khu I Bible-a hun peisa hi ngal maleh, a tungsa teng khu tu in adih sieng a, ang tung dingte zong adih ngei ding hi chi ginlel guol ahi nawn vawt sih hi. Daniel 9:24-27 i-et kia leh, Jerusalem zalenna sathau nu ahi a, khelna suhbei na dingin 'Na mite dingin hapta 70 guot ahi. Tua hapta 70-khu Jerusalem siempha dinga thupieh a suo apatin nasim ding hi achi a, BC.445-in Artaxerxes-in Jerusalem siempha dingin thu apie a, BC.445 apata AD.1 tan khu kum 445-a upa ahi mai a, Jesu dam kum 33 toh igawm leh kum 478 ahi a, Tua hun laiin Jesu khu Sathau nu a khetbeh ahi a, akaalah hapta-1, hapta 70 tung man louin 'HEPINA HUN' atung ta hi. AD.70-in Rom Leng Titus-in Jerusalem asuse sieng a, tuami patin Israel khu gam nei louin AD.70 apat 1948 tan aum ua, tua khu kum 1878 sung ahi a, Israel-te Independent-na ding khu kum 2016 May-in kum 70 ahi a, a-Independent ni chetin America-in Jerusalem Temple-ah Ambassador ang koi ta a, Jerusalem tunding na ding thuchiem hun khu a tung ta ahi. Tuaziehin I Bible-a agensa-te adih a,

sil tundan zong adih a, kum 2016-in Israel gam lamkai, Sanhedrin-te'n Solomon Temple thumna tunding ding thu alel ua, hinanleh, UNO-in akhaam a, hinanleh, UNO thu sangin I Pasian thu man ahoi zaw hi achi ua, Solomon Temple mu ding um nawn lou khu atungding kia ta uhi. Tua a Temple din ukhu Daniel laibu leh Mathiu 24:15-a Mangpa Jesu'n "Sugenthei kidahhuoi" ana chipa khu Solomon Temple a hing ding ding ahi a, tua khu koi ahi chi thei ahi nai sih a, atuom tuom aum kha ding hi.

Masang kum 3000 liem zouta ta a um nawn lou khu tuin alam zing ua, tuami ang lam zaw uh hun sawtlou-in Israel-in Solomon Temple sung ngeiah 'sugenthei kidahhuoi' Leitung Leng thupi ahiei, ginglou kumpi pang khawmte ahiei ang ding ngei ding hi. Kilemna thu ahun ding ua, kum thum leh akim-ah ang kitheisiem tuo sih ding uhi chi khu tu in alang chien ma ma tamai a, Temple vang kum 2 sunga zaw ding chi thu um ahia, azaw leh zaw lou ithei chien sih na a, abawl zom zinguh ahi ngei ding hi. Khuchia Solomon Temple ang lam zou tah chiengun, Leitung tawp tah tagna sil tung ding Leitung thei tham (hotliing ding) zilpi ling ding chi Bible-in kichien tahn ei hil ta uhi. Hun nukhia um danah kum 2000 apatin zilling khu alaanin alaang a, hinanleh, Leitung hotliing tham zilling vang ahi nai vawt sih a, kum 2022/23-a Turkey zilliing khu 7.4 magnitude a kichi a, tua AD.2000 apata zilliing minthang kigen-te laha a hat mama

pawl ahi thou na a, hinanleh leitung vang a hotliing kha sih hi. Khum hun chienga mihingte thuohzaw guollou zilliing nasa um ding khu ‘Teel-te ziehin suhtom hiva’ chi ahi a, tuaziehin i hun umdan uh ngaituoin ana gensa tengteng a dih sieng kei a; I mabana tung nailou, ang tung ding khu Mun siengthou a sugenthei kidahhuoi hing din ding khu ahi ta mai hi. Hinanleh, tua zong tu in alam lam uh chi ahi laiin, hun sawtlou nuaah Sahang masa, lu sagi leh Ki sawm nei achi khu hing ding ngeingei ding ahi a, tua khu Mangpa’n tatsa mite ei lahtou na ding hun ahi thu kichien tahin ei hil hi.

America-in Jerusalem Temple-a Embassy akoi apata a ni thum-naah ginglou pang khawm gam 57 aki gawmkhawm ua, lamdang tahmai, tahsan lou a zong tung thouthou Pasian silguon aum ngut hi. Tuaziehin Mun Siengthou a sugenthei kidahhuoi ding ding thu lam tuom tuomin ahilchien ua, hinanleh, I Mangpa’n Mun Siengthou achi khu Solomon Temple ahi zaw a, tua khu tu tahin alam kia ua, tua khu kum ni a zaw ding ahi a, ang zaw tah chiengun Leitung mite toh kilemna Israel-te’n a sign ding ua, tua hunah Gamsa masa hing ding masa ding ahi. Tang maleh laia na kigen khu tu in adihna mu thei ahi ta a, tuaziehin Unaute deitah, Khristian hi khu ahun nawn sih. Hutdamna thu a angka (Mathematic)-a theisiem zong ahun siha, gasuo ding neilou khat, kiniel niel zong hun nawn sih chi mangngil sih ulei deihuoi vawt ta! Jesu Hagau nei khu apoimaw pen ahi.

Simtu deitah Jesu Hagau nei kichiena na Hagau Mangpa’n ang kep pieh (Kol.3:3) sihleh, kikhop tamin ang hundam zou sih ding a, Upa ordain-na in zong hing hundam zou lou ding, bang lam lama Mang na isep nain zong ei hundam zou sih ding a, sawltah Paulin Rom 11:25-a “Unaute aw, tam thuguh na thei louuh ka nuom sih hi, khuchi louin, kipilsah kha va uteh, Jentel-te bukimna ang tung masie’n Israel tungah lungkhauna atung ahi. Jentel-te ni khu Pentikos ni-in atung pan a; a bukim na ding khu hattuum-te alahtouna khu ahi a, tam khu Jesu hing pei kiana (second coming) ahi sih a, eite gamah Jesu zong hing pei ding ahi sih a, Olivet muolah akatou a, Olivet muol maah ang kum suh ding hi.

Sisana atat hattuum-te khu lei tuon louin van mei tungah hagau lam pengkul mutin mitphet kalin ei sulamdang ding ua, mun ei siem piehna munah ei pui ta ding uhi. Hichi’n ngaituo mai mai talei, AD.30 velin ei di’n mun bawlin apei a, Johan-in AD. 90 leh 100 kikaalin van Jerusalem-ah amu a, AD.30 apata AD.90 lah vel khu kum 60 leh them khat ahi ding a, akhopi ding khu kum 60 sung vel a bawl ahi diei? Johan-in ana mu ngal a, I Mangpa’n tam leitung ang tuon sih ding a; piengthate hagau akem a, tuamabangin mi piengthate’n Jesu Hagau zong akem ua, tuabang mite mitphet kaalin van meitunga hing peiin zilliing nasa in mihing anuoi ding a, Hapi mielsahin Kros-a aduong kikhai leh aphei lama aban azah bangin lei ningli a um, mi

piengtha zousie vana alahtou ding khu Bible thutah ahi hi. Tuaziehin, Noah damlai bangin tu hunah Hutdamna thu I tam gen pouleh, ginlouna apung tadih a, Noah in bangtobang in thu gen nanleh, agintat louna uh apung tasaan hi. Ang pei kia ding I ginlouna apun diehna zieh khu zong ang pei kia na ding anai sem sem zieh ahi ngei ichi lou thei sih hi.

Tuaziehin tam thuguh khu Khristian zousie'n thei leh idei ma ma hi. Rom 11:25 leh 1Korinth 15:51-54-in kichien tahir ei hil uhi. 1Thessalonika 4:13-18-ah kichien tahir ei hil a, Kihilna 3:10-ah leh 1Thes.5:9-ah Ang pei kia na ding hilou, Sisana atata, ahagau akep piehte la masa dingin Mangpa'n mi piengtha hattuum-te ang latou ding hi. Tua hun adinga i-kisingsahna ding khu bang ahi diei? "Siengthou taha hinkhuo zah, leitung sil thanghuoi-te bang loua, itahsa zong Mangpa dinga siengthou taha zah ahun ta hi. Tuaziehin unau deitah, I Bible igintat tah tah leh tua khu thutah umsun ahi mai hi.

Mathiu 24 leh Kihilna bung 6 khu akikop chet ahi ua, hun nukhia Mangpa hing pei kia na ding chiemtena thu Kihilna a agel khu Sakol Kaang tunga zou kawm leh zou zel dinga pawtdoh ang pei ding a chi a, Kilemna bawl kumpi Sakol khat-na khu America ahi a, Sakol ni-na khu Sakol san ahi a, tua khu kidouna etsana ahi a, mun dang dang leh gam leh gam, nam leh nam kidouna thu ahi a, Sakol thum-na khu Sakol vom ahi a, tua khu kielpi, mishi, nuclear

bomb kizang a, natsie etc.-te tun ding thu ahi a, Sakol li-na khu Sakol daang ahi a, tuami'n hipi leng ding a-ensah a, imabana sil tung dingte alang sieng keii hi. Chiemtena nga-na khu ginglou mite'n Khristian abawlsiet hun chite ahi a, Sakol masa khu ahun tun dan etin adih toupeh a, tua bang ginglou mite'n Khristian abawlsietna khu ei lahah thuoh kha sih nan ulei, China ah te ahuoisiet ma ma banah India-ah leh mun dang dangah atun dan ithei chiet uhi.

Kihilna bung 6-na a, chiemtena nga-na i-et leh, Khantan Hoi puong theilou khopa hun hasa atun a, hattuumte'n "Hing pei mai ta'n, Namchin Mang loupi" chi'n kikou kou nan leh, martar dinga aguotte'n martar atan masieuh bangma adai thei ding aum sih hi. Tuachi'n chiemtena guh-na khu ginglou mite tunga Pasian lungthahna Mathiu a agen thou taah, Zilling nasa hing um vanin, tuasungah Khristian bawlsete tungah Pasian khut hahna ang tung ding a, kichien tah ahi, Pasian khut hahna ang tung ding a, mangbang tahir muolte 'ei vualia un' chi a kikou aw-te ang tung ding hi. Chiemtena sagi-na khu bung 7-ah akipan a, misiengthou lah zoua Khantan Hoi puongtu ding, Juda-te sese lahah mi 144,400 alah khawm zou chiengleh bung 7:9-17 I etleh, chichin, namchin, hamchin pauchina mi, Belamnou maa Tuumna tawi achi khu hattuum-te lahtouna khu ahi ding hi. "Tamte heia pata hing pei ahi uoi?, 'tuat khu gentheina nasatah thuoha, belamnou sisana a puonte sawpsiang

ta te ahi uh” achi te ahi ua, amit ua kipat mittui nulhul vanin, tua hun leh Mathiu 24 thu akituoh chet ahi. Kihilna bu gen dana igen leh, bung 8:1-5 khu hattuum-te lahtou, vana alopna uh ahi a, bung 8:6 apatin Daniel hapta nukhia pen kum 7 hasatna kichi khu pengkul ang mut leh leitung mun thuma khen mun khat leh mihing khen thuma khen, khen khat sietna khu ahi a, tua khu sahang masa zaw khu ahi a, sahang en kia talei, Kihilna 13:2 i-etleh, Sahang piendan khu ‘Kamkei abang a, a keng khu Vompi keng abang a, akam khu Humpinelkai kam bang ahi’ tuami gam chiemtena enlei, tua khu China ahi a, akam Humpinelkai kam bang khu leitungah, gam ahiei, galkap chiemtena ahiei a Humpinelkai lim zang gam khu ginglou gam 18 aum hi. Tuabang mite khu tuin aki singsa zing uhi. Akeng Vompi keng bang achi a, leitunga gam lien pen, Russia khu Sahang keng ang hi ding a; Dragon hamin aham achi khu milim bete ahi uh china ahi a, setan thu bou agen ding uhi chi ahia, tua hunah Israel-te hi louin, ei Jentel Khristiante’n ithuoh ding ua, zong athuoh lel lel uhi.

Khristian i-unau bawlsietna thuoh leitungah tam tah aum uhi. Tuaziehin ihun khu ang pei kia na ding gingta loua, pawngpaw hamuon dan aum ta sih hi. A ni leh ahun thei ding phal ahi sih a, anop leh kum 1000 zong sawt nalai thei va, hinanleh, eimahaw munah anai ma ma chi akichien ma ma hi. Sawltah Paul-te hunin zong anai tatham chi ahi lain, kum 2000 val apeiliem ta a, Pasian number

leh mihing number akibang sih a, amavang, genlawhna teng atung kim sieng keii ta ahi. Kihilna bung 17:10-ah Leng 5-te khu aguollet ta ua, khat aum nalai a, adang khat hing um kia chiengleh hun tom noukhat bou ahi ding a, agiet-na khu sagi-te laha ahi zel hi. Sahang tungtang leh Leitung lengte tanchin sut talei, Izipt, Babulon, Medopersian, Grik, Assuria-te khu atawm sieng ta ua, Kihilna bu kigel laia ‘aum lai’ achi khu Rom kumpi ahi a, khum Rom kumpi khu AD.447-in akeehsie a, a giet-na khu sagi-te laha mi ahi achi a, tua aliem khu Rom kumpi ahi a, shi khop hielin aliem chi ahia, hinanleh tu in European kumpiin ang sudam ta a, tua hun tah khu muola koima se lou suong hing sep khu ahi a, tuaziehin unau deitah tam thu khu Sermon dan hilouin, unau thuguh kihil banga igen nuom ahi ding hi.

Bible nei chiet ihi ua, I tahsan lou khu’n umzie anei sih a, I bible-ah kichien taha gel ahi sieng keii a, I hun tuoh ukhu anukhia ta ma ma a, I Bible taang telah “Mangpa ngei khu Vansawlsieng tungnung pen aw leh, Pengkul gin toh ang kumsuh ding hi” chi ahia, tahsa shina tuoh nai lou a, hing dama na um nalai-te mipiengtha ihi nah leh, thakhat thu a suhlandanga umin; van tahsa neiin I um ding ua; ashi ta-te vang, a hagau-uh Pasian kunga um khu khoithe i tahsa neiin ang thou masa ding ua; tua khu Jentel-te ni bei na ding khu ahi ta ding a, hing pei dinga igintat louna in ei hamuon nanleh, Noah damlaia sil umdan bangin Tui let ding zan tanah “a ne un,

adawn ua, zi leh pasalin akinei uhi”
chi ahi mai hi.

Tuaziehin unau deitah, I gen nuom pen khu, ihun tuoh anukhia ta” chi ahi a, tuanah, Mangpa’n ei la ding ua, khelna khoithei tahsa amangthai ding a; shi theilou tahsa leh na theilou tahsa in ei thuom ding a, Han leh shina’n akhoi thei taahlou tahsa inei ta ding uhi. Tam munah kinielna thei tah Bible taang khat akigiel a; Khelna silbawltheina khu Dan thu ahi a, hinanleh, Khrist shina in a sumangthai ta chi ahia, tam muna khelna silbawltheina ‘Dan Thu’ chi thu kigelnaah ‘d’ neu, (small) (cf.1Kor.15:56) azang hi. Aziehpén ‘Thu sawm pieh ‘Dan’ lam genna ahi sih a, “Tam Mihing tahsa umdan, gilkiel a, imu a, zing leh zan a khosa ilei tahsa hinkhuo khu khelna’n akhoi thei a, tua khu ‘dan silbawltheina’ achi tah khu ahi a, tuasungah melmapa ang gamta zel hi. Amavang, leivui tahsa nei nawn loua, van tahsa kibang chiet, let dan, neu dan, kibang sieng, piengkop unau, mel hoina lama zong ‘apen pen’ um nawn louin, khum lamah ileng tou ta ding uhi. Hinanleh, unau, tam thu vang nathei khah nailou thu igen ahi sih a, I theisa natungah khanglouin khodah va ui. Hinna thuguh, nu hinsa tahsa maw, van tahsa lim nakungtungah abaang tai? Numei hin tahsa khu leiah amangthai a, lei tahsa khu Pasianin ahan sih a, agam

luo dingin hagau tahsa ei siempieh zaw uhi. Tuami ngei khu dachieng a ding ahi sih a, tu main zong ilu tunga pata ikeng tana khelna’n akhoi theilou, Jesu hagau leh eima hagau tahsa khu mupallet thei leh khelna’n akhoi thei lou khu aum ta hi.

Tuaziehin khelna khoi theilou tahsa nei tapou khu Mangpa’n alah tou ding ahi zaw hi. Aziehpén ama hagau nakep tah ziehin!. Na kep ama hagau khu Mangpa’n ataikan thei ngai sih hi. Tuaziehin unau deitah sil hoi bawl kukal va ui. Dawngda tahin Mang na sem sih va ui. I thugen teng teng laha ithu dei pi pen khu 1Kor.15:58 khu ahi. “Tuaziehin ka unau deitah te aw, det tah leh suhling guollouin Mangpa Na, phatuom ngai tahin sem un, Na sepgimna ukhu athawn ngai sih ding chi nathei ngal ua”. Hattuomsung hiin; mani Insung hiin; hei munah zong Mangpa’n mawpuohna ang piehna mun taphot-ah det tah, siengthou tah leh chi tah suoin a Na sem va ui. Det tah leh suhling guollou leh, lungsim dih tah toh Mang Na sep khu ahun taha aga lawna ahi zel hi chi theisiemin mangngil sih va ui.

Pasian thu khu Hagau ahi ziehin, mihing kamin ahi ding bangin igen thei sih a, tuaziehin genkhiel, genval zong um thei ahi chi kitheisiem tuo chiet dingin zong i ki ngen uhi. A thu siengthou igente I unpi ua dingin Mangpa’n guol zawl ta hen! Amen.

KHRIST THAWKIANI

Mathiu 28:1-8

By:- Upa Suankhanmang
Tangpijol

Khawlni beizou, nipikal khat a ani masapen ding khovah kuon in Mari Magdalene leh Mari dang Han en dingin akuon uhi. Khawlni nuazuite in Sabbathni achi vateh ua Jesu thawkiani pen Mangpani/Pasianni achi vateh uhi. Patmos Tuilaisia a um Johan in “Mangpa ni in Hagau in ka um a, kanualang ah pengkul gingbang aw ngaitah kaza hi, ana chi hi Kihilna 1:10 tambang ahiman in Sabbath ni pen septawpni nitumzou 6:00pm apat Kiginni 6:00pm tan china ahi, Mari Magdalene leh Mari dangte in han ending a akuon hun uh khu Pasianni/Mangpani zingmawng phalvah kuon china ahi.

Khovel a mihigte a ding a poimaw Biehna tampi a um a, I Mangpa Jesu Khrist in ashina ding leh nithumni a athawkiana ding thu agen bang a shina zou a thoukia Pasion dang a um sih hi. I Mangpa Jesu Khrist bou shina leh Hankuh miel in tutang den zoulou in athoukia tahi. Tam a thawkiani khu Judate in angaisang ua, Spain gam ah AD 305 in Hattuum khawmpi in Pasion ni/Sunday ni pen Hattuum ni a man ding in aphuong uhi. Tuachin Rom lengpa Constantine Khristian ahing suoh in Jesu thawkiani Sunday ni khu Khristiante in kholni a ana man pen uh AD 321 in Sawlkal Holiday in ana phuong a, tuami in gam pumpi zelsuohin AD 380 apat tuni tan dong in Jesu dei leh deilou thu umlou in khovel a Calendar te ah Sunday ni khu kholni a chiemte in aumta hi.

Tualeh ngaivoi zil nasatah in ahing ling a Mangpa Vansawlsieng van a kipat in ahing kumsuh a, suong khu alia khie a, asuong tung ah a tou tahi. Amel latdan khu kawlphe bang ahi a, apuon silte vuabang in a vam hi.... Vansawlsieng in numeite kung ah “zausih un, Jesu kilbeh a umpa sui nahi uh chi ka thei hi, a ma athouta hi, a lupna mun hing envoi un, tualeh kintah in pei unlen, anuazuite kung ah, mishi lah apat in Jesu athoukiata, tualeh ngai un Galili gam ah namasang uah apei hi, tuamun ah namu ding uh chin vahil un, ngai un ka hing hil zouta hi.

Tuachin, Mari, Mari Magdalene leh numei apeilai un ngaivoi vengmi galkapte khenkhat leh siempuliente akikup khom lai uh amu ua, galkapte kung ah sum tampi apiah ua, zanlai ka ihmud kal un, nuazuite ahing pei ua, ama ana gumangta uhi chi un, achi uhi. Tuachin sum khu ala ua, ahil bangbang un abawlta uhi. Tamthu khu Juda mite lah ah tunitan in tam bang in akigen nalai hi.

Jesu thokiana khu sakhuo lamkaite pilna leh galkapte thahatnate in Pasion lemguotna nang zou lou in, Jesu a thoukia ta a, ni 40 sung in nuazuite

kung leh mun tuomtuom ah akilahna
Khantanhohi bute (I Korinth 15:3-
5) ah imu thei uhi. I Mangpa Jesu
Khrist shina zou a thokia na khu

gingtute kibulphu na leh thuginpi
dettah ahiman in ama bang a thoukia
ding a hamuonna nei dingin Mangpa'n
hing guoljawl taken.

SUUNNA



(L) UPA MANGMINTHANG

(L) Upa Mangminthang 1980 kum in Buhsau ah ana pieng hi. Kum 1998 in Nu Pauli toh pindan ah Pastor Vungzalian khut a ana kiteng uhi.

Azi toh gil a gah goutan pasal (1) leh numei (1) anei hi. Ama pen aneu apan in mipawl nuom ahia, Imphal district ah Upa Ordian pia ahia, Chowkidar in kum 5 ana sem a, Secretary in kum 5 apang hi. Tualeh Chairman apuo laitahin igal buoi ziehin Kanaan ZPCS Hattuum ah 2023 in ahing kipia uhi. Ang muolliem sentan in Kanaan ZPCS Hattuum ah Local Secretary ahi. Kanaan ZPCS Hattuum ah tukum in Upa ding in a telching in a um a, tukum MGP Khawmpi a re-instate kibawl ding a hilai in vangsiet huotahin ang muolliem santa hi..

May 29th ni a kipat in tahsa dammawna ahing nei a, Ziltawp ni in District Hospital a admit ahi a, vangsietuhoi tah in date 31st May, 2025 zingkal lam 9:00am in District hospital ah a kumtawn mun ding ah ahing peisanta hi. Tualeh dated 31st May 2025 ni in Localte inntehna in vuina vaiguon kinei in district lieng, Presbytry lieng leh Synod lieng a lamkaiten uop ua, vaiguon ah Upa Kapkhanhau Secretary (Sr) in thumna nei in Rev. Kaimuanlal, Moderator Synod sih leh tang in galna pie in, Synod OB aum thei teng in puon laisan in aluong tuom uhi. Rev. Dr. Hangpi Manlun, Sr. Executive Secretary in hamuon thugenna nei in, Upa T. Kaizalam, Moderator, MGP in inn apat hahkhiehna nei in Rev. Thangboi Khuongsai Bieltu Pastor in vuina nei hi. Upa pan ang nuasiet na tung a Synod in i thuohpi leh i dahpi a Mangpa'n a innsung mite umpi in mapui zingta hen.

KHOCHIN SAWMAKHAT SUN DAN 2025

(1st November, 2024 to 4th June, 2025)

01 Central Biel	33,67,961
------------------------	------------------

Aina	61,099
Awnchinkap Khuo	21,713
Central Church	12,31,202
Hatching Sion	69,000
Manniang Khuo	16,880
Nungshai	79,030
Sabuol	42,857
T Tangnuom	39,030
Tuilaphai	31,730
Zomi Colony	17,75,420

02 Lentang Biel	35,93,461
------------------------	------------------

Bohlui	28,570
LDCC Hiangzou	94,771
New Zoveng	4,79,595
T Daijang	1,32,762
Tuibuong	28,49,763
Zoumunnuom	8,000

03 Lamka Biel	58,02,321
----------------------	------------------

D Phailian	5,76,890
Hiangdung	61,748
Immanuel Khopi	3,58,320
Kanan Veng	63,080
Lailam Veng	11,29,057
M Muoltam	1,88,030
P Khupgou Veng	5,000
Thingkangphai	17,92,455
Tongdam	7,33,577
Vaal Veng	4,74,592
Zomi Bethel	3,33,627
Zoumun	85,945

05 Tuiningkuol Biel	6,21,607
----------------------------	-----------------

PN Khovong	99,410
Sangaikot	2,56,182
Tuining	2,23,375
Zomi Zion	42,640

06 Suolam Biel	2,03,260
-----------------------	-----------------

Moreh Gamnuom	70,540
Moreh Ward No. 1	21,290
P Salem	97,400
T Zion	14,030

07 Gunpang Biel	4,92,400
L Gangpimuol	51,284
M Khawluol	28,000
N Khaukuol	1,24,240
Teisaljang	1,46,636
T Munnuom	1,42,240
08 Singnat Biel	29,52,186
Hiangtam K	3,05,220
Maukot	77,522
Mawngken	3,68,260
Munpi	66,925
Muoljin	2,72,930
P Suohzahau	16,260
Sehngaljang	23,050
Singnat	10,14,828
S Muvanlai	71,316
S Vengnuom	2,97,340
Tangpijol	3,23,765
Tuimanjang	3,220
Zoukhonnuom	1,11,550
09 Zoutang Biel	2,71,051
Belpuon	40,500
Buhsau	97,571
Buongmun Lamkhai	4,650
Hiangmuol	9,200
M Buongmun	99,790
Muollum	5,600
T Khajang	13,740
10 Tuivai Biel	3,65,068
Behiangtung	8,000
Hiangtamjang	1,16,253
Hiangtam	1,64,365
Lunjang	70,450
Tonjang	6,000
11 Outside State & Others	48,88,904
Bengaluru	6,87,557
Chennai	4,28,635
Delhi	19,97,687
Paspati	20,460
Shillong	17,54,565

.....

ZPWF Column

TUNNU LIMBEL PANPITE

5th April to May 2025

1.	PWF Behiangjang, Anntang 51kg		
2.	PWF Teisalgang, Anntang tang	Rs.	1,100/-
3.	PWF Lailam Veng, 163kg		
4.	PWF Awnchinkap khuo, Anntang 55½ kg leh asum in	Rs.	660/-
5.	PWF Kanaan Veng, Anntang 57kg		
6.	PWF Zoomunnuam, Anntang 69½ kg		
7.	PWF Tangpijol, Anntang 71kg		
8.	PWF Hiangtam, Anntang 40kg		
9.	PWF Hiangdung, Anntang 33½kg		
10.	PWF Delhi, Anntang tang	Rs.	5,000/-
11.	PWF S. Muvanlai, Anntang tang	Rs.	3,000/-
12.	PWF Munpi, Anntang tang	Rs.	1,800/-
13.	PWF Bengaluru, Anntang tang	Rs.	5,700/-
14.	PWF Buhsau, Anntang 31kg		
15.	PWF P. Salem, Anntang 14kg leh asum in	Rs.	300/-
16.	PWF Lunjang, Anntang 30kg		
17.	PWF Hiangmuol, Anntang 30kg leh asum in	Rs.	1,100/-
18.	PWF P. Salem leh T. Zion ten anngolthumna anntang hing pie, 11kg		
19.	Nu Chiinhoiniang leh Nu Ngaineikim, Zomi Colony, Chips leh	Rs.	3,000/-
20.	Pa Kamneithang, Central Church	Rs.	3,000/-
21.	Nu Nemkhonieng, Central	Rs.	1,500/-
22.	Pa Kamkhogin, Central Church	Rs.	1,000/-
23.	Nu Chinglunniang & Family, S Vengnuam in loving memory of (L) Chinhoinuam	Rs.	5,000/-
24.	Chinsuanthang, Immanuel Khopi	Rs.	500/-
25.	Nu Niangpi, Zomi Colony	Rs.	4,000/-
26.	Nu Chiinmuonkim, Central Church	Rs.	6,000/-
27.	Nu Manneihat, Central Church	Rs.	2,000/-
28.	PWF Singngat District, Anntang 52kg, Siing (Ginger), Bongnoi 2kg, hini, AHTui Box 1, malta go (dry chilli) leh asum in	Rs.	5,000/-
29.	Nu Cicy Vungneiching, Thingkangphai	Rs.	2,000/-
30.	Upa Gouzamang, Central Church	Rs.	2,000/-
31.	Nu Chingzaman, Central Church	Rs.	100/-
32.	Nu Niangkhangching, Central Church	Rs.	2,000/-
33.	Pa H. Kapneithang, Central Church	Rs.	5,100/-
34.	Nu Nemkhonieng, Central Church	Rs.	1,000/-
35.	Nu Chingzanuom, Central Church	Rs.	200/-
36.	Pa M. Ginkhankhup, Central Church	Rs.	1,000/-
37.	Tv. Kaplienmung, Central Church	Rs.	500/-

38. ZPCS Tuining			
i) Upa Ginsuankhai	380/-	ii) Pa S. Thangchinpau	300/-
iii) Nu Neizem	70/-	iv) Nu Engzaching	50/-
v) Pa Manglianlal	100/-	vi) Nu Hauching	100/-
vii) Pa Chinkhansuan	300/-	viii) Miss Chingnunhoi	50/-
ix) Tv. Thangzoumuan	50/-	x) Pa Lianchinthang	50/-
39. Mission Board, Lailam Veng		Rs.	3,000/-
40. Philip Thanglienmang, Delhi		Rs.	5,000/-
41. PWF Thingkangphai, Anntang 101kg			
42. Chinsuanthang, Immanuel Khopi		Rs.	500/-
43. Nu Nousuanching, Central Church		Rs.	1,000/-
44. Nh. Ruth Nuamngaiman, Immanuel Khopi		Rs.	2,000/-
45. Nu Hatngailian, Central Church		Rs.	500/-
46. ZPCS Muollum			
i) Mangdeiching	2,000/-	ii) Nienngaikim	600/-
iii) David Khupsian	500/-	iv) Hau Diamond	300/-
v) Tutsuonkap	200/-	vi) Chiinnuomvung	200/-
vii) Suonlian	150/-	viii) Chingngainuom	140/-
ix) Nehkhangtong	120/-	x) Mangsianching	100/-
xi) Vunghaulien	100/-	xii) Hausuonthang	100/-
xiii) Mercy	100/-	xiv) Rev. Khamminlian	100/-
xv) Niengneilam	80/-	xvi) Suonnieng	80/-
xvii) Nienghaunuom	80/-	xviii) Dimhoiching	70/-
xix) Chiinneihoi	70/-	xx) Thongkai	50/-
xxi) Suonpau	50/-	xxii) Min Zou	30/-
xxiii) Niengngaiching	30/-	xxiv) Nuomkhanngai	20/-
xxv) Chingngaimang	20/-	xxvi) Upa Hangsuonthang	20/-
xxvii) Ngaikhannieng	20/-	xxviii) Nienghauching	20/-
xxix) Hoinieng	20/-	xxx) Vungsuonching	20/-
xxxi) Dimkhannel	10/-	xxxii) Paungainieng	10/-
xxxiii) Chinghat	10/-	xxxiv) Ginmuonkap	10/-
47. PWF V. Bethel, Anntang 47½ kg			
48. PWF Central Church, Anntang 113kg leh asum in		Rs.	2,450/-
49. PWF Singngat, Anntang 102½ kg			
50. PWF Tuilaphai, Anntang 38 kg			
51. PWF Sabuol, Anntang taang		Rs.	1,000/-
52. PWF Chennai, Anntang taang		Rs.	2,000/-
53. PWF M. Buongmun, Anntang taang		Rs.	1,000/-

Petu zousie Mangpa'n hing guolzawl taken.

NOTE: A dhlou kha aum le office a suhdih thei zing ahi.

Sd/- Nh. Christina Chinghatkim
Secretary for Women's Relation
ZPWF

ZPYF COLUMN

1. Lakutpi toh kisai:

Lakutpi 2026 Award pia ding te,

- i) 2022 apat 2026 Lakutpi tan a official Gospel video 10 apat atunglam produce ana bawl.
- ii) Zou Synod sung a Gospel/ Pasion laa Somnga (500) apat atunglam ana phuo te.
- iii) 2022-2025 sung a laapu (Conductor) tha District liang tan a ana kizang te.

Award la thei ding chitna neiten mimal ahita in District lamkaite tungtawn in zong min Youth Co Ordinator kung a pieh thei zing ahi.

Lakutpi 2026 Competition a nuomman 2 na tan um ding a, Solo pen 3 na tan um ding hi. Tualeh a nuomman cash a in tam anei a bang ahi ding hi.

1st Prize Rs. 20,000/- 2nd Prize Rs. 15,000/- 3rd Prize Rs. 10,000/-
Ahiding a tualeh consolation prize pen dangka Rs. 3000/- chiet ahi ding hi.

2. Lakutpi Campaign Report

1st Lakutpi Committee 5th March 2025 R/No 5 leh 2nd Lakutpi Committee 11th April R/No 2 dungjui a Lakutpi Campaign District Head quarter church teng veng ding a phasah bang in, Lakutpi committee te group 2 a kikhen in April 26th 2025 in Synod gari ni(2) zang in Synod office ah Rev. Dr. Hangpi Manlun Sr. Executive Secretary in thumsahna nei in kipan khie uhi. 26th April kiginni kitah kihop Suohlam District P.Salem leh Tuivai District Behiang a ki nei hi. 27th April Pasianni sun kihop Gunpang District Khaukual leh Singngat District Singngat a kinei a, Pasianni nitah kihop Tuiningkuol District Tuining leh Zotang District Muollum a ki nei hi.

Tualeh Lamka khopi sung group a kikhen nonlou in committee member teng kalsuan khom in 3rd May kiginni nitah Lamka District Lailam veng a ki nei a, 4th May Pasianni nitah Central District Central Church a ki nei hi, tualeh 10th May Kiginni nitah Lentang District Tuibuang a ki nei in Lakutpi Campaign zaw ahi.

Campaign sung a Lakutpi Tour tholom District chin a mu dan.

1) Suohlam District	₹	700/-
2) Tuivai District	₹	930/-
3) Gunpang District	₹	1080/-
4) Singngat District	₹	2105/-
5) Zotang district	₹	547/-
6) Lamka District	₹	2915/-
7) Central District	₹	2740/-
8) Lentang District	₹	1470/-
9) Total	₹	12,487/-

Sd/- Tv. T. Thangmuansang
Youth Co-ordinator ZPYF



PATRON MEMBER-TE

001. Upa Gouzamang	002. Pu Hav. Khamchinkhup	003. Pu Khamzalam	004. Pu Chinzasuan
005. (L) Upa Liansuanpau	006. Pu Khamchinthang	007. Pu S. Dalthang	008. Upa Kapkhanthang
009. (L) Upa Langginmang	010. Upa S. Nangkhanlal	011. Pu S. Lamkthothang	012. Upa Dr. M. Lachinkhai
013. Upa Khamchinjam	014. (L) Upa D.K.Manlun	015. Upa Suankhanmang	016. (L) Upa Khupgou
017. (L) Upa Chinkham	018. Upa Ngulchinkham	019. (L) Rev. V. Vungzalian	020. Rev. Retd. Kamkhosoi
021. Rev. Tualzachin	022. Rev. H. Nengzaton	023. Rev. Awnkhankhup	024. Rev. Dr. Hangpi Manlun Zou
025. (L) Pu Tuanzapau	026. (L) Rev. Ginchinjam	027. (L) Rev. Khamzasuan	028. Upa T. Lamkthohawng
029. Upa Khaichinmang	030. Rev. Stephen Chinzathang	031. Pu Khupkhanmang	032. Pu Khaidohlian
033. (L) Hav. Khamzahang	034. Pi Vungzanuam	035. Pu T. Gouzadou	036. Upa Liensuonkap
037. Pi Zerkhochiin	038. Pi Hatkhanvung	039. (L) Pi Ngaihoiching	040. Pi Mankhannieng
041. Pu Goukhanmang	042. Pi Chingzalam	043. Pu S. Thianzakhai	044. Pi Kamkhanching
045. Pu Haukhanpau	046. Pu Tuallianmang	047. (L) Pu Dongkap	048. (L) Pi Chingkhanmang
049. Pi Donkhonian	050. Upa Henzakhup	051. (L) Pu Saichinpau	052. Pu Goumang
053. (L) Upa Khamkhanhang	054. Shie Laangkhanlal	055. Upa Khamkhanlun	056. Upa L. Tualkhanpau
057. Upa Jamsianmung	058. Upa Ginzadong	059. Upa Kaizathang	060. Pi Goizanuom
061. (L) Pi Thangneivah	062. Pu Khamzathang	063. Pi Donchin	064. Upa Liankhanmang
065. Pu Hauchinlun	066. Pu T. S. Lal	067. Pi Goichiin	068. (L) Pu T. Khupchinthang
069. Upa T. Kaizalam	070. Pu Paul Henkholal	071. (L) Pu Soikham	072. (L) Rev. P.C. Manga
073. Rev. Khamchinkhai	074. Rev. Zamlianpau	075. Rev. Chinzapau	076. (L) Rev. Kamkhozam
077. (L) Upa Chinpu	078. Pu Zamkhanthang	079. Pu Chinglen	080. Miss Chinhaunieng
081. Upa P. K. Sawia	082. Pu Goujakhai	083. Pi Niangkhanmang	084. (L) Evan. G.L. Joshya
085. Pi S. Chingkhanmang	086. (L) Pu Vumchinkhup	087. Upa Khaihenthang	088. Upa T. C. Pau
089. Upa Nengchinkap	090. (L) Upa Jamkhongam	091. Upa HT Manga	092. Nu Vahkhohling
093. Pu Hauliankap	094. Pi Chinnu	095. (L) Upa Ngulzakhai	096. (L) Upa T. Gougin
097. Pu Ginsuanhau	098. (L) Upa Langminthang	099. (L) Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thatthang Taithul	104. Pu Kamkhankap
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. (L) Rev. Mangsuanthang	115. (L) Pu Lamchinhou	116. Upa Pauchinlei
117. Nu Kimneihei	118. Upa Kamgenpau	119. Nu Niangsuannuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. (L) Upa Lunchinthang
129. Pu P. Tongthang Zou	130. Pu H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munlao	134. Pu Sianzakhai	135. Upa Thangginsuan	136. Pu Kapminlun
137. Pi Tingzavah	138. Dr. M. Limlunthang Zou	139. Rev. Hauzalian Manlun	140. Rev. Suangliankap
141. Rev. Ginlianmang	142. Upa L. Mangminthang Zou	143. Upa Goukhanthang	144. M. Thangsuansang Zou

LIFE MEMBER-TE

001. (L) Upa T. Khupkhenpau	002. (L) Pu M. Ginzahau	003. (L) Pu Selzapau	004. Pu L.C. Pautungnung
005. (L) Pi Khamkhannieng	006. Pi Ngainuam	007. Upa Chinsuanthang	008. Upa Shanti Kumar
009. Pu Kamkhohau	010. (L) Pu Khamkhohau	011. Upa Khamzathang	012. Upa Chinkhanthang
013. (L) Pu Tongzathang	014. Pi Chiinneilam	015. Upa Kulthang	016. H/Sm. Upa Kaichinpau
017. Pi Niangzalam	018. Upa P. Doukholun	019. Pu Kapminlian	020. Upa P. Nehgin

Undelivered

Please return to:

The Editor

KHRIŒTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,
